

楊一凡 劉篤才 編

中國古代地方法律文獻

甲編
第五冊

世界圖書出版公司

楊一凡 劉篤才 編

中國古代地方法律文獻

甲 編
第五冊

世界圖書出版公司

PDG

中國古代地方法律文獻甲編第五冊目次

郭襄靖公遺集所載地方法制資料

〔明〕郭應時撰

明萬曆郭良翰刊郭襄靖公遺集本

.....一

敬所王先生文集所載地方法制資料

〔明〕王宗沐撰

明萬曆元年劉良弼刊敬所王先生文集本

.....一五七

學政錄

〔明〕宋儀望撰

清道光二十二年宋氏中和堂刊華陽館文集續集本

.....五六一



〔明〕郭應聘撰

明萬曆郭良翰刊郭襄靖公遺集本

郭襄靖公遺集所載地方法制資料



韓襄毅公暨集刊題詞表

（四）題詞表

即前題詞表身傳韓襄毅公暨集刊

PDF

郭襄靖公遺集卷之十四

莆中 郭應聘君賓著

年友漳浦朱天球君玉編

門人泰和郭子章相奎訂

門人晉江王任重尹卿校

不肖男良翰梓

諸議 巡撫廣西

巡撫條約

爲巡撫地方事本院猥以菲才濫膺重寄聞

命以來夙夜惶悚惟無以奠安疆圉綏輯蒸黎是虞
顧撫屬地方廣袤民夷紛錯不惟精神智慮勢所
難周而事機懸於呼吸民隱伏於幽微又有不可
以逆計而徧識者所賴同事文武諸司各殫衷猷
共匡不逮必使邊陲無烽燧之警田里絕愁嘆之
聲是本院所傾誠屬望者也除前院有行一應事
宜俱照舊遵行外所有申飭吏治慎固兵防清理
賦役脩明教化數事所關於

國計民生良非細故欵開如左合仰所屬大小衙門

逐一遵照着實施行

計開

一申飭吏治照得地方安危係民生攸戚民生攸戚係吏治臧否蓋自古記之矣粵西土瘠民窮百凡荒陋吏茲土者類多鄙夷其地鮮有义大之猷而志短途窮者又率秦越視民自爲封殖之計民之屣轉流移者有以也頃歲

廟堂加念邊方多選俊良以司牧寄一時吏治翕然

稱賢而一二衰暮闕茸之徒不脩職業漁獵
窮民者間亦有之若不嚴行申飭何以登斯
民於理貽地方以安哉所謂吏治無他盡其
所以安民之道而已誠使爲有司者真有視
民若子之心痒疴疾痛舉切吾身暴征橫斂
朘削膏脂者奪民也吾安忍之酷罰淫刑文
致罪辟者虐民也吾安忍之濫費不經冗役
無節者病民也吾安忍之簿領生事胥隸作
威者害民也吾安忍之有是不忍之心必有

是不忍之政民之不安其生不樂其業者未
有也夫士人方窮居時見官府貪者酷者縱
容羣小昏懦無爲者嗤笑之怨詈之視之爲
何如人及膺民社之寄廼躬自蹈之不亦失
本心之甚耶况

清明之世方懸殊典以待循良示顯罰以懲貪暴乃
或不知所戒勉卒致身罹罪辱貽憂父母取
誚鄉隣又何惑之甚耶今後守巡各道并各
府掌印官以稽察吏治爲第一急務文到一

月內先將所屬各官賢否實跡如年力才識
操守政事分別明白開具簡要書冊仍於考
語下另註極賢極不肖字樣先行呈報以後
按季填繳間或初譽有聞而末節不繼亦或
新政未練而後效可觀不妨前後異同正以
考驗始末至於取人尤當先以大節爲本果
有實心實政終始一節卓然稱循良者本院
定行特薦以備破格擢用其貪殘不職者本
院不時叅劾拿問各道各府慎加鑒別毋以

兩可塞責有孤本院急於知人之意

一慎固兵防照得粵西之患莫大於猺獞但猺獞之不戢由於兵防之不固兵防之不固由於功罪之未明也夫夷獠之性雖曰靡常而出沒之由未必無故或因異省奸徒往來技藝而爲之交通或因軍徒犯罪投入窩藏而爲之鄉導或排年田主生端科索而逼起釁爭或附近村民挾仇詐害而激成變亂或哨守官兵地方千長恐嚇騷擾莫可控訴而使

之無所自容是皆官府不爲禁制不爲處分
之過也不能防之於微杜之於漸馴致延蔓
難圖其罪豈盡在徃僮哉又其甚者州縣官
以民壯打手徒備使令衛所官以旗軍餘丁
盡供役占營堡哨守官以募兵戍卒半屬賁
閑所謂簡稽訓練之法終歲無聞遂使軍兵
積弱防守久踈望敵先奔安可責以捍禦之
能擒馘之績哉及至地方失事百姓傷殘上
下相蒙恬不爲怪不曰兵力之不敵則曰

勢之方張其提調哨守等官以債事抵罪者
有幾況上而當一面之寄司一方之命者其
孰責成之噫嗟敝也久矣茲當古田蕩平聲
威震懾一時猥獍頗稱嚮風但居安思危之
心不容少懈轉弱爲強之計所當預圖除操
練事宜已經通行遵守自今以後一切兵防
事務各守巡兵備該道并叅遊都司嚴督府
州縣及守備衛所哨捕等官從新振頓如猥
獍何以招徠頑梗何以制伏騷擾何以禁戢

勾引何以防閑城堡何以謹嚴要害何以抗
扼榛莽何以開闢水陸何以廓清虛冒何以
稽查戎伍何以簡閱賞罰何以明信進止何
以整齊保約何以通行鄉兵何以團練凡所
以爲安攘之策無不素具遇有盜賊出沒各
該備守官員嚴督軍兵併力截捕獲有功級
照格給賞其有擒斬首賊辯驗真實定行破
格優敘如或畏縮逗遛不行拒守致賊侵犯
信地殺擄人民者該道即時馳報將守備而

下哨守等官俱綁赴軍門治以軍法事干有
司官一併叅呈以憑處治如悞事重大本院
身任封疆之寄自不容諉凡有地方之責者
不得不均任其咎也文到一月內各道并叅
將都司將所屬各衛所官員賢否實跡如年
齒精力騎射知謀分別明白開具簡要書冊
先行呈報以後每歲終一次填繳武職之考
往多忽畧有在任多年而槩稱新襲有偶因
小失而劣考終身有老壯勤惰全不相類以

致賢否多淆委用不稱不可不加慎也

一清理賦役照得民間之利病莫先於賦役賦役不清則奸弊日積亂之道也廣西通省所屬額糧凡四十九萬有奇內八萬石折徵銀兩歲解布政司以供宗祿其餘糧米俱存留各府州縣備各衛所官軍及官吏師生月糧之需近據都司造報官軍文冊通省各衛所原額官軍共一十一萬八千八百九十八員名除逃亡事故實在官軍共一萬一千九百